



UNIVERSITÄTS-
BIBLIOTHEK
PADERBORN

Universitätsbibliothek Paderborn

**Ven. Viri Thomæ Malleoli A Kempis, Canonici Regvlaris
Ordinis D. Avgvstini. Opera Omnia**

Thomas <von Kempen>

Dvaci, 1625

De dupli pugna carnis ac spiritus. III.

[urn:nbn:de:hbz:466:1-45790](#)

C A P V T I I .

De quinque panibus in deserto huius vita.

Matt. 4.

x. *N*on in solo pane vinit homo, sed in omni verbo Dei. Deus Dominus ac Saluator noster, locutus est olim antiquis sanctis per legem & prophetas, & nunc adhuc nobis quotidie loquitur in scripturis sanctis, per sanctos doctores veteris ac novi Testamenti expositores, quid credere, & qualiter vivere, & Deo seruire debeamus. Libenter ergo lege & scribe verba sanctorum ex ore Dei pro salute multorum. Dixit deuotus sacerdos dominus Florentius Dauentriensis vni de fratribus suis: Indifferens mihi est, nec multum refert, utrum in antiquo an novo Testamento lego, utrumque enim Deus fecit.

Florentij
distum de-
lectione
sacrae scri-
pturae.

Gerardi
vox de
sensibus
sacrae scri-
pturae.

2. Cùm venerabilis magister Gerardus Magnus horas legere cum discipulo suo, postea ab eo quæsiuit: Intelligis bene Ioannes, quæ legis? Qui respondit: Nō omnia. Dixit ergo ipsi secréte. In singulis versibus & verbis psalmi, varius & mysticus sensus mihi occurrit. Gratias Deo & sanctis Doctoribus, qui me sediliter variis sensibus instruxerunt. Igitur de misericordia & gratia Dei, accipe quinque panes in deserto huius vitæ, ad virtuosè viendum utiles & efficaces. Primus panis est dolor cordis, de omnibus malis præteritis in seculo gestis. Secundus est confessio oris, de quotidianis defectibus in ordine commissis, & de magna negligentia multi boni operis. Tertius est panis diuinæ consolationis in oratione, de spe veniæ, & de remissione peccatorū. Quartus est panis gratificationis, pro beneficiis à Deo acceptis, tam in prosperis quam in aduersis. Pro quibus omnibus Deus sit iugiter benedictus, cuius misericordia non est numerus, qui usque modò non desinit benefacere nobis. Quintus est panis internæ iubilationis & contemplationis, de spe eternæ beatitudinis, & magnitudine futuræ gloriae cum Deo & omnibus sanctis eius. Lauda ergo Deum pro quinque panibus istis, & multis aliis beneficiis eius in his tribus signatis, scilicet bonis naturæ, gratiæ, & perennis gloriæ.

C A P V T I I I .

De duplice pugna, carnis & spiritus.

Psalm. 118. 1.

Narrauerunt mihi iniqui fabulationes, sed non ut lex tua. Custodi ergo omnes sensus tuos, ne seducaris à vanis & illecebrosis dæmoni figmentis. Nam quamdiu homo viuit, pugnare eum oportet, ne vincatur: sed non semper èquè fortiter tentatur. Igitur in hoc bello positus, clama precibus & sedulis cordis gemit.

gemitibus ad Dominum in cælis. Caro trahit deorsum, spiritus Aliorū sum
trahit sursum. Caro quærit mollia & blanda, spiritus contra nos trahit
suadet dura & aspera. Si sequeris carnem, decipieris: si sequeris
spiritum, coronaberis.

2. Attende diligenter, & caue ab omni parte; quia non es tu-
tus ab hostiis iaculis, vbi cumque fueris, vel intus vel foris.
Sint vulnera Christi cordi tuo firmiter infixa: Iesus & Maria
custodes in omni via. Istos pro armis indue, & pro gladio &
baculo in manu retine. Cum indoctis, inexpertis, & indiscretis;
cum importunis & audacibus, noli multum loqui; ne leuiter
offendaris. Cum humilibus & simplicibus Deum diligentibus,
libenter loquere & consiste. Iuuat bona societas colloquens de
Deo, nocet mala societas fabulans de mundo. Caue obloquen-
tes, sequere simplices & tacentes.

C A P V T IV.

De instabilitate humani cordis.

1. **T**ædet animam meam vita mee. Quare? Propter laborem & *Iob. 10.*
dolorē & multa aduersa, quæ mihi occurruunt, & à Deo me
separant. Quid igitur faciam, & quò me vertam, vt melius ha-
beam? Sustine patienter, & expecta Dominum confidenter; quia *Psalm. 33.*
iuxta est Dominus his, qui tribulato sunt corde, & humiles spi-
ritu saluabit Nam propter superbiam & mentis elationē defle-
tendam, iuste patimur, affligimur, deprimimur & despicimur. Aduersa
mundi hu-
iis, leuiter
toleranda.
Reduc ergo ad mentem virtutis & peccata tua, cum foris despice-
ris, & tacebit querela & indignatio tua de obiectis. Nemo purus *Prou. 20.*
à peccato, nemo liber à sorde, nemo innocens à culpa & pœna, *Iob. 15.*
omnes enim peccauimus. Solus Deus purus, sanctus, & immor-
tal is, æternus, immensus, inuiolabilis, & super omnia laudabilis
in secula. Sit ergo tota spes & lœtitia tua in Deo, & bona volun-
tas etiam parata pati pœnam propter Deum. Omne gaudium
mundi citò transit, & omnis laus eius plena iræ & dolo. Omnis
etiam delectatio carnis, pœnam habet sibi annexam, & meretur
confusionem & defectum. Qui multa habet, multam curam ex
eis patietur. Qui modicis scit contentari, pacatior erit.

2. Infelix est & miser, qui Deo non seruit. Perdit totū quod
habet, qui Deum non amat. Vanus est & instabilis, qui in crea-
turis spem ponit, & Deum neglit. Beatus, cui Deus est omnia
in omnibus & cum Paulo Apoſtolo latus dicit: *Mihi autem ab-* *Gal. 6.*
fit gloriari, niſi in cruce Domini mei Iesu Christi? per quem mundus
mihi crucifixus est Grego mundo. Legitur in Prouerb. de pigro & in-
stabili corde in Dei seruū: Vult piger & non vult. Hoc est: Vult *Prou. 13.*
bene conedere & bibere, & non vult laborare & ieunare. Vult
diu